



Broj: 02-11-2634.2/20
Datum: 10.05.2021 godine

Na osnovu člana 64. stav 1. tačka b) (najniža cijena), člana 70. st. 1, 3. i 6., a u vezi sa članom 25. i 72. Zakona o javnim nabavkama („Sl. glasnik BiH“, broj 39/14), na Preporuku Komisije za javnu nabavku od 10.05.2021 godine, u ponovljenom postupku javne nabavke roba – Nabavka i postavljanje PVC podne, heterogene elastične dvoranske podloge i nabavka i instalacija opreme za dvoranske sportove, Općinski načelnik, d o n o s i

ODLUKU

o izboru najpovoljnije ponude

Član 1.

Prihvata se preporuka Komisije od 10.05.2021 godine i ugovor za javnu nabavku roba – Nabavka i postavljanje PVC podne, heterogene elastične dvoranske podloge i nabavka i instalacija opreme za dvoranske sportove, se dodjeljuje ponuđaču „SPORT NET INŽENJERING“ doo Široki Brijeg, ponuda br.03/9-11-34/21 od 08.01.2021 godine, kao prihvatljiva -prema kriteriju "najniža cijena".

Cijena ponude bez PDV-a je 153.330,68 KM, a ukupna cijena ponude sa PDV-om je 179.396,89 KM.

Član 2.

Prijedlog ugovora dostavit će se na potpis izabranom ponuđaču i to nakon isteka roka od 15 dana od dana kada su svi ponuđači obaviješteni o izboru najpovoljnije ponude.

Član 3.

Za izvršenje ove odluke zadužuje se Služba za budžet, finansije i poduzetništvo.

Član 4.

Ova odluka objavit će se na web-stranici <http://www.kladanj.ba/> i to istovremeno s upućivanjem odluke ponuđačima koji su učestvovali u postupku javne nabavke.

Član 5.

Ova odluka stupa na snagu danom donošenja i dostavlja se uz obavještenje o rezultatima postupka ponuđačima koji su učestvovali u postupku javne nabavke.

Obrazloženje

Postupak javne nabavke pokrenut je Odlukom broj: 02-11-2634/20 od 16.12.2020 godine.

Javna nabavka je provedena putem Otvorenog postupka.

Procijenjena vrijednost javne nabavke: 153.500,00 KM bez PDV-a.

Objavljivanje obavještenja o nabavci: (Obavještenje br. 241-1-1-34-3-20/20, na Portalu javnih nabavki: 16.12.2020 godine, u „Službenom glasniku BiH“, br. 82/20 od 18.12.2020 godine).

Komisija za predmetnu javnu nabavku imenovana je Rješenjem broj: 02-11-2634/20 od 05.01.2021 godine.

Ugovorni organ je u navedenom predmetu javne nabavke, donio Odluku o izboru najpovoljnijeg ponuđača pod br.02-11-2634/20 od 26.01.2021 god., na koju su žalbe uložili: „Top sport“ doo Bijeljina i „Trisar-inn“ doo Sarajevo.

I- Žalbeni navodi ponuđača „Top sport“ doo Bijeljina i stav URŽ-a:

1. Odnosi se na dostavljanje neovjerenih certifikata -ponuđača „Top sport“ doo Bijeljina (žalba neutemeljena);
2. 2/1. Odnosi se na nepravilnu ovjeru certifikata - ponuđača „Sport net“ doo Š. Brijeg (žalba neutemeljena);
- 2.2/2. Odnosi se na nabavu zaštitne mrežice iza gola - ponuđača „Sport net“ doo Š. Brijeg (žalba djelimično utemeljena).

II- Žalbeni navodi ponuđača „Trisar-inn“ doo Sarajevo i stav URŽ-a:

1. Odnosi se na dostavljanje neovjerenih certifikata –ponuđača „Trisar-inn“ doo Sarajevo (žalba neutemeljena);
2. Odnosi se na dostavu nepriznatog certifikata - ponuđača „Sport net“ doo Š. Brijeg (žalba djelimično utemeljena);
3. Odnosi se na dostavu nepravilno prevedenih certifikata - ponuđača „Sport net“ doo Š. Brijeg (žalba djelimično utemeljena).

Rješenjem URŽ-a br.JN2-03-07-1-483-9-/21 i br.JN2-03-07-1-491-9-/21 od 25.03.2021 godine, Odluka ugovornog organa o izboru najpovoljnijeg ponuđača pod br.02-11-2634/20 od 26.01.2021 godine, je poništena i predmet je vraćen ovom organu na ponovni postupak.

URŽ je u navedenim rješenjima o poništenju Odluke ugovornog organa ukazao prvostepenom organu u kom pogledu treba upotpuniti postupak.

U ponovnom postupku izabrani ponuđač „Sport net“ doo Š. Brijeg, dostavio je traženu dokumentaciju / dokaze koju je neophodno bilo dostaviti kako bi se utvrdilo jesu li ispunjeni postavljeni uvjeti u TD, te je li dostavljeni certifikat prihvatljiv, odnosno radi li se o tipskom certifikatu, a vezano za dimenzije okica, odnosno na bazi kojih se rade ispitivanje uzoraka, te certifikat o normi UNI 9177, odnosno da je ista priznata i vjerodostojna te sukladno traženom, pa se kao takvi certifikati mogu smatrati prihvatljivim za ugovorni organ, a obzirom da se dijelovi teksta na Poljskom i Njemačkom jeziku, a što se vidi iz dostavljenog prijevoda, odnose na memorandum preduzeća, kao i tekstovi vezani za promociju firme, utisnuto na certifikatu, te da se dio certifikata (pod 7. Procjena o sukladnosti za uporabu u Austriji) odnosi na Austrijske norme deklaracije, na šta je izabrani ponuđač u svom odgovoru na žalbu ukazivao da se certifikati poznatih međunarodno priznatih proizvođača elektronskih sportskih mjernih uređaja tiskaju i bilingualno tj. paralelno i na engleskom, a da se sve službene i važeće deklaracije tiskaju na službenom memorandumu kompanije, koji sadrži i elemente domicilnog jezika kompanije, ali da to, a što smatra i komisija, ne utiče na vjerodostojnost i dokaze koji su priloženi, što se takođe odnosi i na certifikat za sportski pod kojeg proizvodi Mađarska kompanija, a certificira Institut iz Beča – Austrija, te da ovakvim prevodom nije narušeno dokazivanje certifikata EN 13501-1.

S toga, Komisija za javnu nabavku, a nakon upotpunjenja postupka, ponudu izabranog ponuđača ponovno ocijenjuje prihvatljivom prema kriteriju (najniža cijena), pa predlaže, a shodno članu 70. ZJN, donošenje Odluke o izboru ponude navedenog ponuđača kao povoljne za predmetnu nabavku.

U ponovljenom postupku za donošenja ove odluke, Komisija je pravilno prikupila dokaze za upotpunjenje postupka, te je pravilno i potpuno izvršila ocjenu kvalifikovanosti izabranog ponuđača te ocjenu predmetne ponude, u skladu sa kriterijima iz tenderske dokumentacije.

U postupku ocjene provedenog postupka, ovaj organ nije našao razloge nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavku.

Naime, u postupku je ocijenjeno da je Komisija u svemu pravilno postupila te da je ponovni izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskim dokumentom. Uvidom u priloženu dokumentaciju, nesporno je da je izabrana ponuda u okviru planiranih sredstava za predmetnu nabavku, te da je ponuda prihvatljiva prema kriteriju „najniža cijena“.

- Cijena ponude bez PDV-a: 153.330,68 KM. Ukupna cijena ponude sa PDV-om: 179.396,89 KM.

- Rok za isporuku roba (isporuka i postavljanje/montaža/instalacija): 60 (šezdeset) kalendarskih dana od dana uvođenja dobavljača u posao,

- Rok plaćanja za isporučenu i ugrađenu robu: 30 (trideset) dana od dana zaprimanja fakture kod ugovornog organa za realizovani ugovor ili njegov dio.

- Rok garancije (garantni rok) za isporučene i ugrađene robe: 24 (dvadesetčetiri) mjeseca/i od dana primopredaje.

Iz navedenih razloga, primjenom člana 64. stava (1) tačka b) (najniža cijena), Zakona o javnim nabavkama („Sl. glasnik BiH“, broj 39/14), ponovo je odlučeno kao u članu 1. ove odluke.

POUKA O PRAVNOM LIJEKU

Protiv ove odluke može se izjaviti žalba, najkasnije u roku od 10 (deset) dana od dana prijema iste.

Žalba se izjavljuje ugovornom organu u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, ne manji od tri.

Dostaviti:

1. Ponuđačima:

- „TRISAR-INN“ doo Sarajevo, 1x

- „TOP SPORT“ doo Bijeljina, 1x

- „SPORTNET INŽENJERING“ doo Široki Brijeg, 1x

2. U spis predmeta, 2x

3. web-stranica <http://www.kladanj.ba/>, 1x



OPĆINSKI NAČELNIK

Jusuf Čavkunović, dipl.ing.